


וַיֹּאמֶר יְהוָה אֶל מֹשֶׁה וְאֶל אֶרֶן בְּנֵי אֲהֵרָאֵן
תָּהוּם וְרוּחַ אֵל הַיָּם מְרַחֶפֶת עֲלֵי-פָנֵיהֶם
וַיֹּאמֶר אֵל הַיָּם יְהִי אֹר וַיִּהְיֶה-אֹר



Bung 4:
SUAHLANNAK

וַיֹּאמֶר יְהוָה אֶל מֹשֶׁה וְאֶל אֶרֶן בְּנֵי אֲהֵרָאֵן
תָּהוּם וְרוּחַ אֵל הַיָּם מְרַחֶפֶת עֲלֵי-פָנֵיהֶם
וַיֹּאמֶר אֵל הַיָּם יְהִי אֹר וַיִּהְיֶה-אֹר



Tlangpar an thlen tiang an thlun ih, cui hmun
ihsin tipi sen lam an pan. Ziangtin tipi kau
zet kan pahltlang thei ding tin thu relkhawm
phah in cui hmunah riahbuk an khuar.



A fapa hrangih a riahsiatnak a reh
ih Pharoah cu a hlan hnakin a thin
a heng sinsin. Ziangruangah ka
salpawl ka luatter theh?


**A zamrang thei bik
in rangleng timtuah
uhla Hebrupawl kha
hei dawi uh. Va that
theh uh asilole hinah
rak hruaisal uh.**

Na sim vekin
si seh, na
ropitnakah.



Zoh hnik uh, Egypt ralkappawl an ra! Hi nelrawn ah in awktang theh a si hi!

Hi tawkih thi dingah Mawsi in hi hmunah in hruai a si hi. Pathian ih hnawl mi ram ih thih hnakin sal dinhmun ih thih a thasawn lo maw si.



Egyptpawl in Hebrewpawl bawmtu nei lo aihram ih an um kha an hmu ih, Mawsi in harsatnak a pek hai kha an mang ih, that theh dingin an timplam.



Kan hmailam ah le tipi sen in in kham ih, kan sir ah le tlangpawl in in kham fawn, a karlak ah kan tang theh a si hi.

A tu-ah cun ziang ti hman in Pathian in in run thei lo ding.



Nan umnak ciarah ding uh. Pathian in mangbangza in in run ding.

Pathian in Pharoah-ih thinclung vawikhat ten a hakter sal a si hi. Tuisun ihsin hi Egypt ralkappawl hi catuan tiang nan hmu nawn lo ding.



Egypt ralkappawl in an hei nuai zik thlang tikah van ihsin meialh hlawmpi in a run kham ih, an pan thei nawn lo. Cui zanah Hebrewpawl cun meivang an nei nan Egyptpawl cun an nei ve lo.



Mawsi in a kianghrawl tipi tlun ih a khai tikah thli nasa zetin tipi cu a hrancat ih leiro parih zin vekah a cang.



Mangbangza thilmak pakhat a si. Israel mipawl cu leiro parah an feh.

A ra thleng ding can ah tipi sungih zin a sialsaktu Pathian-ih thu cu hla in an sak leh ding. Cu ti cun mizapi in Pathian pakhat lawng a um ih, a hmin cu Jehovah a si ti an thei ding.



Egypt ih kan hmuh mipawl cu hi thil cang mi in a siatsuah theh.

Aw haw! kan Pathian cu pathian hmuahhmuah lakih tha bik a si. Tipithuanthum laifang ih kan um hi.



Josiah! Na aa maw si? Khatlamah um hlah! Tileuh na thiam lo ti na thei lo maw si!



Nga mawite ka tham duh.

Tipi ral an kai theh zik tikah Pathian in Egyptpawl a khamnak meisa hlawmpi cu a laksak. Tipi a thenaw ti thei loin Hebrupawl dawi in an tlan lan.



Hmaiah tlan uhla Hebrupawl khi that uh!




Tuisunah
Jehovah-ih huham
nan hmu zo.

Zoh hnik uh, tidai a
zawmawsal. An zaten
an pil theh thlang ding.




Egypt ralkap zaten tipithuanthum
sungah an pil theh. An thing le lung
pathianpawl in an bawm thei lo.



An ruakpawl hi zoh hnik uh. Tipi cu Egypt ralkappawl ih ruak in a khat theh.

Jehovah cu Pathian taktak a si. Hivek thil a tuatheitu Pathian dang an um lo. Hi ni cu catuan thleng in kan mang ringring ding




Tipi le Egypt ralkappawl ih ruak cu dunglamah tanta in Hebrewpawl cun mero ih hruainak lam pan in nelrawn kau zet ahcun Mawsi an thlun. Egypt ihsin an ken mi rawl cu an ei pehzawm.

Ni tampi an feh hnuah anmah hruaitu mero cu tikhur kiangah a cawl ih, an rawl a cem tiang cui hmunah an cawl. Rawl ngahnak lamzin a um nawn lo. Ruahsan ding nei lo bang in cui hmun ahcun an um.



Egypt ah khan rak um men sehla hi tawk hnakin a tha deuh ding nan. Sal dinhmun in ei khawp kan ngah nan hi hmun ahcun ei ding zianghman kan nei lo.

Rilrawng in hi tawkah maw kan thi ding.



In ngai hnik uh. Ka parah nan phunzai a si lo, kan thlun rero mi Pathian hmaiah nan phunzai sawn a si.

Jehovah in van ihsin sang ka surter ding a ti. Zing tinten leilung khuh thei khawp sang nan hmu ding ih sar uhla ei uh.



Mawsi in ziang a sim? Ziangtin rawl kan ngah ding? Nauhakpawl rawl loin an um.

Zingtin Jehovah in van ihsin sang a surter ding a ti.



Ni a suak zikte thlang. Mawsi ih a sim vekin lei parah sang a um ding ti na zum maw?

A um lo ahcun rilrawng tihal in kan um ding.

Van ihsin sang a tla ti na thei dah kel maw?

Thei lo, asinan tipithuanthum ah zin a um ti khal ka thei dah lo. Mawsi-ih Pathian cu leitlun sersiamtu Pathian a si ko ding. Van ihsin sang tlakter cu a hrangah a har ding ka zum lo. Ra aw, a can a kim. Kan va zoh pei.



A sim vek cekci in van ihsin sang a rung tla.


Ziangruangah kan ringhlel ngam hrih?



Zoh hnik! Hmun kipah a um.

Aw, a thaw zet ual! Khuaitizu vek a si.

Jehovah cu Pathian ngaingai a si ih Mawsi cu a prophet a si.



Nelrawn ih an um sung hmuahhmuah cu Pathian in vancungmi ih sang thawn a cawm hai.

Mero a cawlh sung cu ei le in in an riahbuk ah an um. Mero a feh veten an tim an tuah ih, an theihlonak hmun nelrawn lam ah an thlun.



Tidai an neih lo can a thlang thlang.

Sang in pe nan tihal in in that tho tho ding a si hi.

Tidai kan ngah lohli lo a si ahcun ka fanute a thi ding.



Egypt ih rak um men ding kan si nan. Kan rannungpawl an thi ding ih, ka fa le pawl an thi ding fawn. Lungtum ih na lu sut lawng a tang ding.

Pathian kan hnenah a um maw um lo sim hnik aw.

Jehovah thawn kan be aw ta ding.



Tidai cu tiva vek
in a luangsuaik.




Mero a fehsal ih an timtuah ih nelrawn ihsin Sinai
an ti mi tlang lam pan in an feh. Cui hmun ah Mawsi
thla a cam ih, Pathian cu a hnenah a tawngsal.

*Anmah runsuah dingah
Egypt-pawl parih ka tuah
mi, ziangtin ka cawm hai ih
lungpi sung in tidai ka pek ti
mi pawl hi mangtersal aw .*

*Ka thupek an thlun asile
leitlun rampipawl tlunah ka
ret mi ka mipi bik an si ding.
In thlun asile puithiam ram
an si ding tin sim hai aw.*

*Mawsi na hnenih ka tawng
tikah, mero sahpi in ka ra dingih,
cu ti cun mipi in cucu an hmuh
ding, an ngai ding ih, keimah
ka si ti in thei ding..*

Mero a fehsal ih an timtuah
ih nelrawn ihsin Sinai an ti
mi tlang lam pan in an feh.






Mawsi cu tlangpar
ihsin a rung tum ih
mipi hnenah Pathian ih
a sim mipawl a sim hai.

A thu kan lung
ding. Pathian ih
ziang vek khal tuah
dingih a ti mi zaten
kan tuah ding

A silen va feh uhla nan
sinfen va sawp uhla nan
takkholh uh. Pathian be dingin
nan timtuah pei. Nithum
hnu-ah Pathian in a rung
lo vehvai ding




Pathian ih a fial vekin a ni thumnakah mipi
cu tlanghram ahcun an feh ih, Pathian
tawngkam hngak in an pumkhawm aw.

*Mawsi tlang
parah hung
kai aw.*



*Mawsi, Egypt ram ihsin a
lo hruaisuaktu Jehovah ka si. Na
vungtum veten hi tlang hi kulh aw.
Mi pakhat in hi tlang a dai pang
a si ahcun a thi ding.*

*Mipi na sim dingah
thukam pahra ka lo
pe ding..*



KEIMAH SIARLO
MIDANG PATHAIN NAN
NEI LO PEI

BIAKNAK HRANGAH
MILEM ZUK NA TUAH LO
PEI

THUNNGAI THLAK LOIN
KA HMIN NAN LAM LO
PEI

NASARINAK CU PATHIAN
BIKNAK NI NAN SERH PEI

NA NU LE NA PA UPAT AW






TUAL THAT HLAH


UIRE HLAH

FI FIR HLAH

MISIATNAK THU
REL HLAH

NANGMAI TA A SI LO
MI VA DAW HLAH





Pathian in Mawsi hnenih thu a
simnak tlangpar lamah cun hruaitu
sawmsarihpawl cun Mawsi an thlun.



Hmakhatte-ah Pathian ih
laltohkham hmaiah a rung lang.

**Pathian-ih
sunlawinak!**



Hruaitu sawmsarihpawl cun
Mawsi tlang parih a kaisoh cu an
thlir ih, Pathian sunlawinak eng
sungih a pillhloh tiang an zoh cuahco.

**Cu tluk ih
mawinak cu!**

A sunlawinak cu!

Pathian thawn
hmaitawn ih biakaw
thei midang zohman
an um lo.



Mawsi, keimah in biaknak dingah mipi in puanthlam sak hai seh. A sungah raithawinak hlannak dingah Biaktheng nan tuah pei ih nan tesinfa tiang in puithiam sang kumkhat vawikhat ka tawn theinak dingah hmun thianghlim khal nan tuah pei.

Ziangtin puanthlam nan sak ding ti cu ka lo sim leh ding. Levi miphun cu ka puithiam an si ding ih, Aaron le a cithlah cu ka puithiam sang an si ding. Annih in mipi cu dingfelnak thu an zirh ding ih, mipi in sualnak an tuah tikah raithawinak an tuah ding.



Tlang parah meisa thawn a rung langlonak zarh tampi luan a sizo ih, tu-ahcun a thi zo a si ding.

Si ee. Hi nelrawn ah a kumkhua in kan to men thei lo.


Mawsi vekih in hruaitu ding pathian kan tul.

Kan Pathian dingah sui in milem tuah sehla.



Mawsi cu a thi zo. Aaron in Egypt ram ih in hruaisaltu dingah sui in pathian in tuahsak ding.

Nan sui in pek uh.



An mai kut lala in caw milem an tuah ih, pathian tiah an ko. Satan sual ah a tluk hlanih ih hmuihmel cu caw vek a si. Cu mi cu mipi in an thei loih Satan in amah be dingin a tuh hai.

Aaron cun mipi duhna a thlun ih sui in pathian a tuahsak hai.



Egypt ram ihsin a lo hruaisuaktu nan pathian cu hihi a si. Thaisunah raihawinak nasatak tuah in Jehovah kan biak ding.

Aaron a aa tuk – milem cu Pathian a si lo ti thei na cing in mipi tih ah a tuahsak.

Pathian in milem tuah lo ding le be lo dingin thu a pe zo nan anmai ruahnak an thlun.

Mipi cu lamphah in an mahte taklawng in an tuah aw. Zuu an ri ih nupa sualnak an tuah. Anmah pawl siatsuah ding le khawsia le a dungthluntupawl hrangih tuah mi meidil sungih hlawn dingah a tiarcia a si.

Pathian in Mawsi hnenah, “turoriah vungtum aw a ti. Sualnak tumpi an tuah zo. Taklawng in an tuah aw ih milem hmaiah an lam. Ka siatsuah theh hai ding. An thimlung a hak ih, dingfelnak an thlun lo.”



Mipi in Pathian an hngilh ih milem an tuah ti Mawsi in a theih tikah a thin a heng tuk.

Pathian-ih daan nan pahbal zo!



Thukam pahra ngannak lungpheng cu Mawsi in a khuai theh.



Jehovah Pathian nei cingih Pathian dang nei lo dingih a lo sim a si lo maw? Nan kut ih nan tuah mi milem hi nan Pathian a si thei ding maw?

An caw milem cu Mawsi in a sutkuai theh



Pathian lam ih tangpawl ka lamah ra ding uh. Egypt pathian nan biak ding asile nan dinnak hmun ah ding uh.

Abraham, Isaac, le Jacob-ih Pathian kan thlun ding.

Tipi a thentertu Pathian cu hmuihmel nei lo hmansehla ka thlun sawn ding.



Sualman cu thihnak a si. An thi tengteng ding tiah Jehovah in a ti. Nan nam sau la uhla milem biak a duh sawn pawl khi tu roriah that uh.




Milem bia le nupasualnak a tuahtupawl minung 3,000 cui ni-ah thah an si.


Thel aw!

Si lo!


In zangfah aw!



Mawsi cu tlang parah a kaisal ih Pathian in thukam pahra cu lungpheng ah a ngansak sal. Mawsi a rungtumsal tikah Pathian-ih thukampawl cu a hmuh hai ih thlun theh dingin an zaten an lung a kim.



Thinlung hak le mi eltai duh mi miphun nan si tiah Pathian in a ti. Nan sual tikah khan a lo that theh tum nan thla ka lo camsak ih nan sualnak cu a lo hlawnhlo sak ding. Jehovah cu zangfahnak le ngaidamnak nei mi a si.




Pathian in puantlam sakdan ding a lo khihmuh zo. In sim vek cekci ih kan tuah asile cui hmuh an tawnawknak kan nei ding.

Misual kan si ruangah amah kan nai theinak dingah lamzin in sialsak zo a si. Levi miphunpawl in nitinte thisen thawinak an tuah ding. Thukam kuang parah kumkhat vawikhat thisen nan burh pei. Cui thisen Pathian in a hmuh tikah, Egypt lai vek khan, kan sualnak in hlawnhak ding ih, kan thi lo ding. Hihi Pathian ih in ngaidamnak lamzin a si.

Puantlam sak an theh tikah puithiampawl cun nitin raithawinak tuah an thawk. Pathian in raithawinak a tuahtupawl-ih zumnak a hmuh tikah an sualnak a hlawnhlo sak.

Nelrawn ih an um ringring ruangah mipi an lung a awi loih an phunnawi ringring.

An zumlonak le an phunnawinak ruangah Pathian in thuthenak a thlen can a thleng thlang.



JEK! Zoh hnik uh. Rulpawl – an tam dan khi!

Pathian in tur nei rulpawl cu a riabhuk sungah lut ding le an taksa hlum hawl dingah a thlah. Pathian cu lainaku a si ih, sual tuah an sunzawm ding cu a siang lo.



Hmakhatteah an riahbuk
cu tur nei rul in a khat.



**Pathian in
bawm aw!**



Pathian in bawm aw!

Blissss



In bawm uh. Rul
in in cukngah zo.




Noooooo!




A si lo! Joab!

Nun u!

Nu le pai sualnak ruangah
nauhakpawl tiangin an tuar pah.







Ruahsannak um lo mi thawn ziangruangah anih cu na capoh rero.

Midangpawl in an zoh ih an dam so khaw.


Ka thizik thlang ti i hmu lo maw si? Ziangruangah cui atthlak za thu thawn I hnaihnaawk rero?



Anih cu a thi zo.


A zum duh lo ih a pawl ka ti nasa.

A hngal tuk ruangah a si.




Mipi in Pathian huham an hmusal. An riahbuk cu rul umlonak hmunah an thawn ih an tlan len kel vek ten an tlang leng thei.


Mipi cun anmai duhdan thlun in Pathian duhdan an thlun lo theu



Israel mipi in mero an thlun. Pathian in van ihsin Mana a thlak ih tidai khal a pek.


Ramtiam ih hrualut lohli ding asinan a thukam an thlun lo ruangah Pathian in kum sawmli sung a vahvaiteer.





Ni dangah

Mipi ukto ding le puithiam ding pawl, mai thianhlimnak a suangtupawl rak neih deuh hnik uh.



Hi hmun rori ah Pathian in in tawng ding ih, in hril ding. A sunlawinak le ropitnak nan hmu ding.




Hi misualpawl hnen ihsin thiarfilm aw uh, a rei hlanah hi pawl hi ka run that theh ding.



An riahbuk sung ihsin tlansan uh. Va naih hlah uh cu lole nan thi ve pang ding.





Hi mi hi tahfung ding a si.
 Hi minungpawl daite ih an
 thih men a si ahcun prophet
 dik lo ka si tile Pathian in
 keimah hmang in thu a
 sim lo ti thei uh.

Asinan tuisunah
 leilung in a kaa ang in
 hi minungpawl le an
 thilri neih mi zaten a
 dawlh theh a si ahcun
 hi pawl in Pathian an
 dokalh ih kei hi Pathian-
 ih prophet dik ka si
 ti nan thei ding.



Karek


Burumm



In bawm uh!

Zi eeee!

NOOOO



Puithiam a si mipawl hmuahhmuah
 in leilung in an nung cing in a dawlh
 ih Satan le a hopawl hrangih tuah mi
 meilipi in a dawlh theh.



An rimhmu
darkheng kha sar
uhla biaktheng ah
hmgang uh.

Biaktheng khuhnak darkheng
nan hmuh tinten Pathian tupek
thlun loih anmah te puithiam ih
an tuahawk tumnak ni, tui ni hi
nan mang ringring ding.


Israel-pawl ih an hngilh thei
lo mi ni ah a cang. Mawsi
lawng prophet a si ih amai
miruat lo pawl cu puithiam an si
thei lo ti Pathian in a fiangter.




Pathian sunlawinak cu puantlam thlunah a cam
ringring ih, kum sawmli sung mipipawl in Mawsi cu
nelrawn ah dunglam le hmailam in an thlun vivo.

Pathian
sunlawinak cu
kan hnenah a um
ih van ihsin sang
in pe a si.

Pathian in sang cu sunzawm in van ihsin
a surter ih, lungpi ihsin tidai a pe. Zan ah meisa
in, sun ah mero in a hruai. Pathian thukampawl
thlun dingah an thinlung an phum.




Mawsi ih a fial vekin
puithiampawl cun
nitin puanthlam ah
thawinak an tuah.



Kum sawmli a rei hnu ah,
ramtiam ih an zatei luh an tum
bang in, Mawsi cu Pathian in a
ko. Pathian thawn a netabik an
biakawk hnu-ah cui hmun ah
daiten a thi




Hmakhatteah a thlarau cu Pathian
hmaiah a thleng. Ni netabikih Abraham
hnenih a tiamcia mi ram ih mipi a umcilh
hlan cu cui hmunah a umlan ta ding.



A mipi suahsan ding le Pathian ih a pek ding mi ram pan ih feh dingin Pathian in Abraham a kawhna kum 1500 zikte a rei thlang..


Ram tumpi ah ka lo tuah ding tiih Pathian in Abraham le Sarah hnenih a tiamcia mi cu a fapa Isaac hmangin a famkim. Israel tiih a hmin a thleng sak mi Jacob-ih fapa hleihnih pawl cu Israel hnam hleihnih ah an rungchang ih mi tampi ah an cang.

Sal sungin an suakih Mawsi thawn nelrawn ih an vahvai hnu-ah Pathian in daan a pe ih tu-ahcun a netabik ah ramtiam ah an lut thlang. Nelrawn ih an feh laiah mi note pakhat cu Mawsi kiangah a rak um ringring ih ziangtin Israel mi kaihhruai an tul ti a zirh.



Cui nauhak pa cu a hung thanglian ih raltha hminthang maksak Joshua ti mi ah a hung cang.

Mawsi in Pathian hnenih a cawlsan hnu-ah Pathian in Abraham hnenih a tiamcia mi mipi hruai dingah Pathian in Joshua cu a hril.



Kum 400 sung midang ram ah mikhual an si ding ih, cui hnuah an pupa hnenih tiam mi ramah an kirsal ding tiih prophet pawlih simcia mi cu mipi in an theihhngilh lo ih, Pathian in a tawngkam vekin a hlensuak fawn.

Jordan tiva an kan hnu cun van ihsin mana a sur nawn loih an luhnak ramih rawl thar an ei thawk.

Ka pasal, Pathian in mangbangza ram in pe zo.

A si, hi hmun hi tefa nei ih thianhlimnak le daihnak zirnak dingah a tha nasa a si.

